

佛日普照慧辯楚石禪師語錄卷第三 嚴六

參學比丘文琰編

住海鹽州天寧永祚禪寺

結夏上堂今日結也。嬌陳如尊者領衆歸堂。
鉢孟口向天露柱脚踏地一要掃刮牀帳防

夏六

備蚊蟲二要晒眼蒲團免教搭濕三要熱時

揮扇困時打眠切不得將禪道佛法貼在額
尖上靈龜負圖自取喪身之兆九十日內作

麼生薰風自南來殿閣生微涼復舉雲蓋安

和尚問石霜萬戶俱閉即不問萬戶俱開時

如何霜云堂中事作麼生安云無人接得渠

霜云道也太煞道只道得八成安云却請和

尚道霜云無人識得渠師云或有人問永祚

萬戶俱開時如何向他道且喜到來你道與

古人是同是別

中夏上堂前四十五日已過去後四十五日
尚未來正當四十五日之中覓現在相不可
得所以道過去心不可得現在心不可得未
來心不可得此不可得亦不可得平生肝膽
向人傾相識猶如不相識

教授俞觀光入山上堂舉雪巖示衆有個人
家兒子問着無有答不得者洞山問云他屋
裏有多少典籍巖云一字也無山云爭得恁
麼多知巖云日夜不會眠山云問一段事得
否巖云道得即不道師云道得即不道作麼
生會長恨春歸無覓處不知流入此中來
上堂山是山水是水僧是僧俗是俗恁麼會
又爭得山是山水是水僧是僧俗是俗恁麼
會較些子

解夏上堂今日解也南天台北五臺一任七

縱八橫前程忽有人問永祚近日如何作麼
生祇對但道來時不教某甲傳語管取坐斷
天下人舌頭雖然這個是永祚的那個是上

座的

上堂舉祖師道在胎名身處世名人在眼曰

卷六

二

見在耳曰聞在鼻嗅香在舌談論在手執捉
在足運奔徧現俱該法界收攝在一微塵識
者知是佛性不識喚作精魂師云書頭教娘
勤作息息書尾教娘莫瞌睡還識娘面觜麼玉
容寂寞淚闌干梨花一枝春帶雨喝一喝

卷六

三

上堂若據一大藏教說少一字若據祖師門
下說多一字不多不少恰好處道將一句來

僧擬進語師便打出

上堂衆方集師喝一喝便下座

上堂是什麼聲雨滴芭蕉聲又道是打板聲

觀世音菩薩將錢買胡餅放下手元來却是
生鐵且道爲你說不爲你說

謝衆施主上堂舉黃龍南和尚因化主歸示
衆有五種不易一施主不易二化者不易三

變生爲熟不易四端坐食者不易且道第五

不易是什麼人良久云齋便下座時翠巖真

爲首座藏主問真第五不易是誰真云腦後
見腮莫與往來師云山僧即不然第五不易
是誰莫怪坐來頻勸酒自從別後見君稀
冬至小參僧問晷運推移日南長至阿那個

是常住法師云冬不寒臘後看進云教學人
如何履踐師云獨木橋子乃云無陰陽地舍

受四時大寂滅場發生萬物旋風偃岳而常

靜江河競注而不流野馬飄鼓而不動日月

歷天而不周千言萬言但識取一言自然言

言見諦千句萬句但識取一句管取句句朝
宗直下脫根塵透聲色泯今古離去來水潦
和尚被馬祖一踏踏到起來呵呵大笑云百

千法門無量妙義只向一毫頭上識得根源
去豈不是了事衲僧趙州道諸人被十二時
辰使老僧使得十二時辰你且思量看行住
坐臥語默動靜更有什麼物爲緣爲對盡乾
坤大地何曾有一法繫織於人若有針鋒許
與我拈將來我與麼道已是不着便更說仔
麼羣陰剝盡一陽復生大似幕苴與虛空安
耳穴雖然如是豈敢違背於他且道他是阿
誰咄縮頭去復舉僧問清平遵和尚如何是
小乘平云錢貫僧云如何是大乘平云井索
僧問如何是有漏平云笊篱僧云如何是無
漏平云木杓僧云覩面相呈時如何平云分

付與典座師云永祚不避諸方檢責也要矢
上加尖打破大唐國覓一個會佛法的不可
得

歲旦上堂祖師道果滿菩提園花開世界起
拈柱杖云一花開也是桃是李今日新年頭
昨日舊年尾識得本來人無憂亦無喜卓一
下云處處綠楊堪繫馬家家門底透長安
上堂萬法歸真真歸何所白鷺下田千點雪
黃鸝上樹一枝花

州中謝雨歸上堂正說知見時知見即是心

第六

當心即知見知見即如今娑竭羅龍王出海
繞須彌山三匝一頭直至梵天口吐黑雲遮
却大千世界然後降雨於是梵王問云雨從
何來龍王答云從問處來又問云問從何來
龍王懼懼而退起一陣猛風吹散黑雲依舊

天晴曰頭出顧視大眾云我適來道個什麼衆無語師乃呵呵大笑

經會上堂僧問一切諸佛及諸佛阿耨多羅二藐三菩提法皆從此經出如何是此經師云更要注解那乃舉洞山問講維摩詰經僧

云不可以智知不可以識識喚作什麼語僧云贊法身語洞山云喚作法身早是贊也僧無語師云這裏下得什麼語塞却洞山口乃云千

上堂一道圓光阿誰無分猫兒若無分爲什麼捉老鼠若有分爲什麼却做猫兒千年田八百主

上堂若是得的人難覓伊去處大無方所細絕毫釐永嘉道如我身空法亦空千品萬類悉皆同雲門道你立不見立行不見行四大

五蘊不可得何處見有山河大地來我且問你銅砂鑼裏滿盛油因什麼不遺一滴浴佛上堂清淨法身簸土揚塵圓滿報身倚富欺貧千百億化身真假像真三身中浴那一身謝三娘秤銀

解夏小參僧問西天以蠟人爲驗未審此間以何爲驗師云驗什麼盜進云和尚豈無方便師云鷄子過新羅乃云金風扇野素月流天遠水平鋪纖雲盡捲是處蟬聲噪晚連山木葉驚秋明月無覆藏歷歷絕滲漏高不在絕頂富不在福嚴樂不在天堂苦不在地獄諸仁者只如生死交謝寒暑迭遷結解相尋光陰似箭無位真人畢竟向什麼處安着披蓑倒笠千峯外引水澆蔬五老前復舉翠巖夏末示衆云一夏已來爲兄弟說話看翠巖

眉毛在麼保福云作賊人心虛長慶云生也
雲門云關師頌云傑出叢林是翠巖舌元不
動爲誰談如今且喜眉毛在鐵額銅頭總未
諳

上堂明還日輪爲什麼不暗暗還黑月爲什
麼不明要知明暗何來待你眼開始得如何
是眼復云瞎

上堂舉法眼問永明云隔壁聞釵釧聲即名
破戒現見金銀合襍朱紫駢聞是破戒是不
破戒明云好個入路師云真個入得錦上鋪
花若入不得眼中着骨

上堂觀色即空成大智故不墮生死觀空即
色成大悲故不墮涅槃西天此土一隊不啞
啞漢寐語住也未拈拄杖云吽吽

薦亡上堂舉天衣懷和尚云百骸俱潰散一

物鎮長靈百骸潰散皆歸土一物長靈甚處
安南堂靜和尚云一物長靈甚處安長空雲
散碧天寬蓮宮佛刹花無數眨起眉仔細
觀師云觀則不無喚什麼作一物喝一喝

上堂舉仰山到東寺寺問汝是什麼處人山
云廣南人寺云我聞廣南有鎮海明珠是否
山云是寺云此珠如何山云白月即隱黑月
即現寺云還將得來麼山云將得來寺云何
不呈似老僧山丈手近前云昨到鴻山被索
此珠直得無言可對無理可伸寺云真師子
兒善師子吼師云仰山雖是箇師子兒爭奈
把鎮海明珠作豌豆賣却千古之下遭人點
檢山僧今日黨理不黨親便是東寺到來也
須勘過了打

上堂頭上是天脚下是地青山是青山白雲

是白雲你會也有馬騎馬無馬步行你若不會夜行莫踏白不是水定是石上堂山門頭合掌佛殿裏燒香且道有指示無指示劍去久矣爾方刻舟

卷六
除夜小參僧問一年將盡夜萬里未歸人還

七

許歸去也無師云十里長亭五里短亭進云與麼則不歸也師云直須歸去進云作麼生是到家一句師云天寒日短兩人共一椀乃云作一句商量師子吼野干鳴不作一句商量野干鳴師子吼一時坐斷未許作家千里

三十日又須償他始得當時早有與麼說話如今是什麼時節師召大眾衆纔舉頭師便喝復舉藥山一日謂雲巖云與我喚沙彌來巖云和尚喚他作什麼山云我有箇折腳鎗子要伊提上挈下巖云與麼則與和尚出隻手去也師云見與師齊減師半德見過於師方堪傳授雲巖當時也欠一着待他道我有箇折腳鎗子要伊提上挈下抽身便出雪後始知松柏操事難方見丈夫心

鑄佛上堂僧問如何是金佛不度爐師云填持來堪作何用盡乾坤大地無不說老婆禪爭知永祚這裏不打這鼓笛雲門大師云諸方老和尚道須知聲色外一段事這箇說話誰諱人家男女三間法堂裏獨自妄想未曾夢見我本師意旨作麼生消他信施臘月

溝塞鑿進云如何是木佛不度火師云正是時進云如何是泥佛不度水師云東西南北十萬八千乃云泥佛浸了也木佛燒了也金佛鎔了也真佛勘破了也趙州老漢趣出院了也一去更不再來咄

上堂無手人行拳無舌人解語忽若無手人
打無舌人無舌人連忙道箇不必復云只箇
不必天下衲僧跳不出

上堂鼓聲昨夜問鐘聲今日鐘聲答鼓聲廊

下木魚開口笑賤將佛法作人情

上堂天高東南卷六江河淮濟注於海而海不溢

地傾西北日月星辰繫於空而空不低人人
鼻直眼橫日日晝明夜暗諸佛不出世祖師
不西來佛法徧天下談玄口不開會麼釋迦

老子在西天文殊大士居東土

上堂未會親近早隔大千駕頭已入舍元殿
猶向空堦擊靜鞭

上堂對一說水流濕火就燥倒一說風從龍

雲從虎何故人心難滿谿堅易盈

結夏小參僧問如來聖制禁足護生一蟻子

性命與諸人性命是同是別師云猴愁搜搜
頭進云諸人性命與佛祖性命是同是別師
云狗走抖攢口進云古人道護生須是殺殺
盡始安居未審殺箇什麼師云更叅三十年
進云離相離名人不稟吹毛用了急須磨師
云鎗僧便喝師拈拄杖僧禮拜師乃云一蟻
子性命即是諸人性命諸人性命即是佛祖
性命丁一卓二踢七踏八長者長法身短者
短法身只如寒暑交遷陰陽互換日日東
上日日西沒是心是境是有是無是箇什
麼道理今日結卷六却布袋口有也被布袋罩却
無也被布袋罩却總未有出頭分在若要布
袋口開定定九十日一日也減他不得復舉
世尊陞座文殊白祖云諦觀法王法法王法
如是世尊便下座師云將謂世尊別有長處

也只懶懶便休致令後代兒孫箇箇龍頭蛇尾

上堂閉却僧堂門情人守院未稱全提盡大地荒却正好喫棒人無遠慮必有近憂

端午上堂今朝五月五艾人騎艾虎南北東

西走一遭回來說道大地衆生皆受苦所謂

生苦老苦病苦死苦乃至五陰盛苦一切諸苦皆可醫惟有禪和子心病竅難醫用不得

砒霜石蜜甘草陳皮作麼生醫得我有一隻

古方無有醫不得者僧問趙州學人乍入叢

林乞師方便州云喫粥了也未僧云喫粥了

也州云洗鉢盂去粥了洗鉢不用狐疑鯨吞

海水盡露出珊瑚枝撫掌下座

上堂佛佛佛廝溷酒祖祖太莽鹵禪禪禪

幾何般道道道直下掃這瑤瑤瓶子護惜是

箇什麼盡是諸人撲碎了也更來這裏覓什麼盤

解夏上堂僧問空劫已前威音那畔還有結解也無師云莫妄想進云不妄想時如何師云瞌睡漢進云摩竭他國親行此令師云西天斬頭截臂進云當時得道如恒河沙未審今日山中幾人得道師云蠅子放卵進云與麼則靈山一會儼然未散也師云土上更加泥乃云盡十方世界是箇真實人體菩提煩惱生死涅槃有爲無爲前聖後聖結制解制長期短期真實體上了沒交涉雪峯三到投子九上洞山末後鰲山店上打失鼻孔大隋參六十餘員善知識長慶坐破七箇蒲團興化於大覺棒頭深明黃檗意旨掀翻海岳罷却干戈如將谷響千斤換得空花萬片威音

那畔空劫已前但有言說都無實義穿却天下人鼻孔一句作麼生道大鵬展翅蓋十洲離邊燕雀空啾啾復舉雲門秋初夏末前程忽有人問未審對他道什麼門云大眾退後僧云過在什麼處門云還我九十日飯錢來

師云放過即不可未審道什麼但對他道七十二棒翻成一百二十過在什麼處對他道你但喫棒我要這話行

上堂箇箇抱荆山之璧人人懷滄海之珠幹旋佛祖樞機提掇衲僧巴鼻盡謂頂門眼正咸言肘後符靈殊不知靈龜負圖自取喪身之兆出格一句作麼生朝霞不出市暮霞行千里

聖旨看藏經上堂僧問一封丹詔九天來大地山河唱善哉滿藏不知何所說青蓮華向

口中開奉詔旨看藏經請禪師祝聖壽師云一字是一歲進云堆山積岳知多少共祝龍樓不盡年師云爛葛藤進云依經解義三世佛冤離經一字如同魔說去此二途請師甄別師云蟻子不食鐵乃云百千法門同歸方

寸河沙妙德總在心源大福德人修大福德人受是以恒沙刹土莫不稟其威靈草木昆蟲亦皆資其化育今則法筵洞啟教藏宏開重重福德門種種壽量海如天普覆如地普擎如日普照如風普吹仲尼云吾禱久矣復舉宋太宗皇帝因入寺門僧云看什麼經僧云仁王護國經帝云既是寡人經因什麼落在卿手裏僧無對後來雪竇代云皇天無親惟德是輔師云若問永祚但以頂戴經云萬歲萬歲

上堂舉南泉問黃櫈黃金爲世界白銀爲壁落是什麼人居處櫈云是聖人居處泉云更有一人居何國土櫈义手而立泉云道不得

何不問王老師櫈却問更有一人居何國土泉云可憎許師云二大老一人無事生事一

人將鎗就鎗直是好笑當時若作黃櫈待他道更有一人居何國土但道這野狐精設使

南泉通身是口也須飲氣吞聲

初祖忌拈香這漢西來特地癡獃不立文字

虛張意氣直指人心轉見病深見性成佛翻

成窠窟靈山直是不甘他牛糞燒香狗屎茶

因甚如此祇爲如此報德酬恩只這是

上堂師到法堂前與大眾和南畢便歸方丈

衆隨後師云更無一箇靈利衆乃散

施主捨米入山上堂舉雪峯示衆云盡大地

梳來如粟米粒大拋向面前漆桶不會打鼓普請看師云你諸人看不出時僧堂裏長連牀上疊足坐了仔細咬嚼去

佛涅槃日上堂二月十五中春節紅花白花相間發金棺不獨示雙趺花裏靈禽更饒舌說箇什麼喝一喝

上堂三身四智非聖人不無八解六通非凡夫不有木人把板雲中拍石女含笙水底吹是何曲調破陣子

楊府安人真如善住二居士入山齋僧上堂

沙門釋子頭戴施主屋脚踏施主地口喫施主飯身着施主衣將什麼報答施主入道不通理復身還信施長者八十一其樹不生耳若終日喫飯不曾咬破一粒米終日著衣不曾掛着一縷絲行不見行立不見立十二時

中不依倚一物不見施者不見受者亦無施
物恁麼見解正是增上慢人別造地獄著你
在總不恁麼時如何大眾歸堂喫茶去

上堂舉大愚芝和尚一日問侍者云你問訊
卷六
了一邊立地是什麼道理答云不會愚云過
三
這邊立侍者便過愚云無端無端師云成人
者少敗人者多

結夏小叅僧問觀山覩水訪道尋師離此二
途請師指示師云亂走作麼進云和尚恐某
甲不實師云草賊大敗進云漢地不收秦不
管夜來明月上高峯師云引不著進云四月
十五日結爲什麼人結師云癩馬繫枯橋進
云七月十五日解又作麼生解師云達磨來
也進云還有不在裏許者麼師云漫天網子
百千重進云本來無罣礙隨處任方圓師云

放過一着僧禮拜師乃云或有梅檀叢林梅
檀圍繞或有荆棘叢林荆棘圍繞或有荆棘
叢林梅檀圍繞或有梅檀叢林荆棘圍繞汝
等諸人橫擔拄杖緊峭芒鞋這邊那邊東去
西去在那箇叢林中若在梅檀叢林則是金
毛獅子能縱能奪能殺能活若在荆棘叢林
則是狐狼野干不能縱不能奪不能殺不能
活隨羣逐隊怖死貪生椎殺千萬箇有什麼
罪過且如兩種叢林交互圍繞時喚作金毛
獅子又是狐狼野干喚作狐狼野干又是金
毛獅子畢竟喚作什麼能縱不能縱能奪不
能奪能殺不能殺能活不能活又如何定當
若定當得出許你天下橫行若定當不出九
旬無解脫之期百劫受沈淪之苦

復舉僧問趙州如何是咬人獅子州云歸依

佛歸依法歸依僧莫咬老僧師云這僧也只是箇喋屎狗爲什麼趙州一見便撒屎撒尿彩奔觀家

上堂晝昇兜率夜降闍浮爲什麼摩尼珠不現師云現也第六現也慕拈拄杖卓一下云百襍碎了也諸人總來這裏覓箇什麼古擲拄杖下

上堂長廊下與你說後架頭與你說法堂上即不與你說何也不說不說

施主設齋上堂供養百千諸佛不如供養一箇無心道人百千諸佛有何過無心道人有何德若會箇中意牛頭尾上安

解夏小叅僧問直下便是時如何師云劄進云高高處觀之不足低低處平之有餘師云學語之流進云一夏九旬今已滿請師方便

指迷津師云口只好喫飯進云前程忽有人問和尚近日如何爲人向他道什麼即得師云西天令嚴進云和尚三寸太密師云紅霞穿碧落白日繞須彌進云一句已徧行天下了也師云也是無端僧禮拜師乃云平地上喫交第六即當不少脚跟下蹉過笑殺傍觀即心即佛非心非佛此地無金二兩俗人沽酒三升更有不啞嘴底風前月下幾度沈吟海角天涯一生流浪西天以蠟人爲驗我這裏以竹籠爲驗喚作竹籠則觸不喚作竹籠則背速道速道擬議不來劈脊便棒復舉長慶云淨潔打疊了也却近前就我覓我劈脊與你一棒有一棒到你須生慚愧無一棒到你你又向什麼處會雪竇云雪竇即不然淨潔打疊了也直須近前我劈脊與你一棒有一

棒到你你即受屈無一棒到你與你平出但

與麼會師云衆中商量道坐在淨潔地上必須打疊近前覓的喫棒有分覓的是病棒即是藥所以雪竇云有一棒到你你即受屈無一棒到你與你平出杜撰禪和如麻似粟殊不知二大老一箇掘地爲坑一箇夷井塞竈皆欲坐致太平爭奈反招怪笑毗婆尸佛早畱心直至如今不得妙

無夢靈書記至上堂舉白雲端和尚云寫盡千張紙徒煩心手勞人情如太華爭似道情高師云大小白雲猶有這箇在永祚承無夢師兄相訪麤茶淡話兀坐忘懷若有一箇元字脚彼此不着便何也人平不語水平不流上堂黃檗手中棒剜肉作瘡大愚肋下拳喫鹽救渴速則易改久則難追選佛若無如是

眼假饒千載亦奚爲喝一喝

看華嚴經上堂東西南北四維上下塵塵刹刹總不離箇箇藏世界海有高有下有濶有狹有具有不具有等有不等有清淨有不清淨有短壽有長年且道毗盧遮那如來即今

在阿那箇世界中說法又說什麼法爲說三乘法爲說一乘法爲說無上乘法爲無所說試道看若道得許你淨佛國土遊戲神通有

慧鈍巖
情無情同證同入若道不得生死海內沈浮慧鈍巖預修請陞座僧問如意珍用無盡應

六
物遇緣終不格如何是如意珍師云多少人用不得進云莫只這便是麼師云你試用看進云掬水月在手美花香滿衣師云話墮也進云今晨施主鈍巖提點預修寄庫請和尚陞座回向功德一句作麼生舉師云彈指圓

成八萬門一超直入如來地乃云有情之本
依智海以爲源含識之流總法身而爲體諸
仁者還識此源麼若識此源則千源萬源只
是一源還見此體麼若見此體則千體萬體

同爲一體上則爲聖下則爲凡其在聖也諸

佛菩薩緣覺聲聞一向淨用而證解脫其在

凡也天人修羅及三惡道一向染用而墮輪

回欲出輪回全成解脫如人因地而倒因地

而起離却瓶盤釵釧真金不自外來就乎酥

酪醍醐美味悉從中出以至乾坤大地日月

星辰草木昆蟲森羅萬象莫不爛騰今古迥

絕見聞透一金剛圈吞一粟棘蓬則不可說

金剛圈栗棘蓬一時吞得透得豈不是了事

漢更聽一偈一微塵裏大寶藏十方虛空悉

充滿普放光明照塵刹蒙光觸者煩惱除煩

卷六

七

惱除故覺道成能爲羣生作佛事福德壽量
咸增益此妙解脫鈍巖證不動本際常寂然
極未來時間斯道

鑄大悲像上堂有一居士出問云大悲菩薩
通身是手眼是否師云是進云弟子還具否
師云具進云只如半夜裏不見一物時手眼
在什麼處師云直是通身手眼進云謝師指
示師云噬噉乃云據教中道衆生妄見不離
前塵開眼見明明不是明合眼見暗暗不是
暗在佛殿前過不見佛殿後事在佛殿後過
不見佛殿前事皆屬妄見前塵所遮若離前
塵無物可見約永祚見處大悲菩薩本自無
身亦無手眼有的便道我會也我會也打二
十九棒趕出畱一棒自喫莫有人下得手麼
如無今日失利舉麻谷問臨濟大悲千手眼

阿那箇是正眼濟云大悲千手眼阿那箇是
正眼速道速道谷搜濟下禪牀谷却坐濟云
不審谷便喝濟搜谷下禪牀濟便坐谷便出
去濟歸方丈師云二大老主賓互換縱奪可
觀如猛焰燒空忽雷震地相似雖然與他大
悲千手眼有何交涉只見波濤湧不見龍王

宮

上堂有僧作禮擬伸問次師便下座

上堂道遠平哉觸事而真喚什麼作真聖遠
乎哉體之即神喚什麼作神暮拈拄杖劃一
劃喝一喝便起

冬至小參僧問羣陰剝盡一陽復生此性還

屬消長也無師云定花板上進云如何是此
性師云寒時言寒熱時言熱進云便與麼去
時如何師云依稀似佛莽鹵如僧乃云諸人

卷六

大

在這裏經冬過夏豈爲身衣口食看山水過
時單明自己生死大事永祚亦不將一法繫
綴諸人初無一箇佛字到汝分上汚汝心田
若有纖毫直須吐却嗽口三日此是生死根
本頭出頭沒未有了期從無始劫被身口意
使總是汝自家擔帶得來非天降非地湧非
人與如今不了更待何時一九二九三九四
九九九八十一了前頭尚有寒在復舉文殊
菩薩所說般若經云清淨行者不入涅槃破
戒比丘不入地獄師頌云常拚白日尋花巷
盡把黃金作酒錢翻着襯衫高拍手大家齊
唱太平年

上堂拈却鉢盂匙箸喫飯不得屏却咽喉唇
吻出氣不得色身安法身不可不安法身色
身是一是二花須連夜發莫待曉風吹

覺首座請小叅僧問世尊拈花迦葉微笑此

意如何師云一手不獨拍進云世尊曰吾有正法眼藏涅槃妙心付囑摩訶迦葉畢竟作麼生付囑師云不知進云今古應無墜分明在目前師云瞎進云盡大地是一句子請和

卷六

十九

尚直下全提師云春日晴黃鸝鳴進云這箇猶是半提作麼生是全提時節師云喫得棒也未進云閒挑野菜和根煮旋研生柴帶葉燒師云杜撰禪和如麻似粟乃云我宗無語句亦無一法與人若有一法與人土也消不得呵呵笑箇什麼我笑江西馬大師道即心即佛又說非心非佛話作兩橛臨濟道我在黃檗先師處三度問佛法的大意三度被打六十柱杖如蒿枝拂相似如今思得一頓喫還有人下得手麼頭長三尺項短二寸

這兩箇老漢一向懸羊頭賣狗肉誑誨間閑自餘固是敗將不斬永祚這裏未免作死馬醫但是從前事記憶把佛法禪道築一肚皮到處逞驢唇馬齒謾人自謾底盡情與我飄在垃圾堆頭更不要拈着只麼餓餐渴飲

閒坐困眠雖是博地凡夫便與古佛同叅且道叅什麼人復舉臨濟會中兩堂首座齊下喝僧問還有賓主也無濟云賓主歷然師喝一喝

上堂把禪牀拍一拍云看看大地平沈也四

大海水沒至梵天其中衆生受無量苦叫云相救相救梵王告曰汝等衆生不敬三寶殺盜淫妄飲酒食肉造種種罪罪來歸身終不他作自受若能改惡修善即生天上受種種樂樂盡還墮地獄中不如一念無生便成正

覺道罷扣齒云無端瞎却衆生眼然雖如是

禍不入慎家之門

元宵上堂始賀大年朝又當正月半看看百
草長急急三春換世事密如麻光陰忙似鑽
杖頭窟_{頭大}磊子舉動令人羨村歌社舞鬪施呈
_千直截示人人不薦

上堂有情說法無情說法作麼生是有情山
河大地竹頭木屑總是有情作麼生是無情
諸佛菩薩畜生驢馬總是無情召衆云山河
大地竹頭木屑總是無情因什麼却成有情
去諸佛菩薩畜生驢馬總是有情因什麼却
成無情去分明記取舉似作家
上堂芭蕉聞雷而開葵花見日而轉木人拍
手石女唱歌筆描菩薩火中行泥捏金剛水
底走發揚妙旨指示玄徒只要諸人識取無

面目的且道無面目的如何識未明心地印

難透祖師關

上堂舉鏡清問玄沙學人乍入叢林乞師指
箇入路沙云還聞偃溪流水聲麼清云聞沙
云從這裏入鏡清於此得箇入處五祖鄧祖

翁云果然得入一任四方八面若也未然輒

不得離却這裏大慧云若要真箇得入直須
離却這裏師云這裏是什麼所在離與不離
更問阿誰憶答東溪曰花開葉落時幾擬以
黃金鑄作鍾子期

解夏上堂今朝七月十五行者先來打鼓長
老口裏喃喃恣意拋沙撒土若是靈利衲僧
直下刻除佛祖且喜法歲周圓莫道勞而無
補
道舊至上堂舉颯颯涼風景同人訪寂寥煮

茶山下水燒鼎洞中樵師云白雲老人家貧
難辦素食事忙不及草書只是不合將常住
物入自己用

佛曰普照慧辯楚石禪師語錄卷第二

音釋

幕笪 上力瓦切覺上聲下側
下切音蚌幕笪不中也 懶懶 上亡果
可切 懶胡對切音 跎烏歡切音剝與
懶斬也 潰胡對切音 跎聲同胡豆也